

Saksbehandlar: Adrian Husabø Bjørseth, Nærings- og kulturavdelinga  
Sak nr.: 19/63-1

## **Oppdragsbrev 2019 - Føringer for Innovasjon Norge Vestland sin verkemiddelbruk i Sogn og Fjordane 2019.**

### **Fylkesdirektøren rår Hovudutval for næring og kultur til å gjere slikt vedtak:**

1. Hovudutval for næring og kultur godkjenner oppdragsbrev til Innovasjon Norge Vestland for 2019 slik det ligg føre i vedlegg 1.
2. Hovudutval for næring og kultur godkjenner retningsliner for arbeidsdeling i finansieringssaker for 2019 slik dei går fram av vedlegg 2.

### **Vedlegg:**

1. Oppdragsbrev Innovasjon Norge Vestland 2019
2. Retningsliner for arbeidsdeling i finansieringssaker 2019

---

## **SAKSFRAMSTILLING**

### **1. Bakgrunn for saka**

Fylkestinget løyvde i budsjett 2019 (økonomiplan 2019-2022) 27,6 mill. kr. i rammeløyving til Innovasjon Norge for 2019. I denne saka skal hovudutval for næring og kultur vedta oppdragsbrevet til Innovasjon Norge Vestland.

### **2. Føringer for verkemiddelbruken**

#### **Bedriftsretta verkemiddel**

Fylkeskommunen nyttar Innovasjon Norge (IN) som operatør for den bedriftsretta satsinga. Midlane vert nytta som tilskot til bedrifter, påfyll av tapsfond i samband med utlån og til ordningar for etablerarar. Fylkeskommunen ønskjer at Innovasjon Norge i det bedriftsretta arbeidet tek ei aktiv rolle innafors satsingsområda i verdiskapingsplanen, og skildrar denne aktiviteten i si årlege rapportering. IN skal vidare ta ei aktiv rolle når det gjeld innovasjon og utvikling av ny teknolog, her under arbeidet med digitalisering og robotisering. Eit skifte til grøn økonomi skal synleggjerast i IN sitt arbeid, og initiativ som bygger opp under dette bør prioriterast. IN skal rapportere regelmessig tilbake til fylkeskommunen om slike søknadar. Når prosjekt vert finansiert av IN, skal det rapporterast om måloppnåing.

#### **Samfunnsansvar**

Fylkeskommunen ber Innovasjon Norge om å bidra til at potensiale for å auke konkurranseevna gjennom auka fokus på samfunnsansvar, vert utnytta, og at miljøprofil vert vektlagt ved tildeling av støtte til næringslivet.

#### **Verdiskapingsplanen**

Regional plan for verdiskaping vart vedteken i juni 2014, og legg føringer for arbeidet fram til og med 2025. Verdiskapingsplanen vart rullert i juni 2018, og vi legg til grunn at Innovasjon Norge

følgjer opp den rullerte verdiskapingsplanen. Hovudsatsingane innafor næringsutvikling i 2019 samsvarar med satsingar som er peika på i planprogrammet. Både fylkeskommunen og Innovasjon Norge må sikre nok handlingsrom til å følgje opp planen. Innovasjon Norge har fått ansvar for gjennomføring av arbeidet med «Kunnskapsintensive forretningsmessige tenesteytande næringar». Det er også viktig å koordinere innsatsen gjennom Innovasjon Norge med midlar forvalta av andre aktørar. Dette må avklarast nærare i styringsdialogmøta.

### **Hovudsatsingar**

Hovudsatsingane innan næringsutvikling i 2019 er dei same som i verdiskapingsplanen:

Næringsnøytrale satsingar

- Nyskaping og kunnskap

Bransjeorienterte satsingar

- Sjømatnæringane (havbruk og fiskeri)
- Fornybar energi
- Olje og gass
- Reiseliv
- Landbruk

Det er også vedteke ein industristrategi.

### **Koordinering og rolledeling**

I utviklingsarbeidet må vi finne ein god balanse mellom den tilretteleggande aktiviteten som fylkeskommunen tek seg av, og dei bedriftsretta tiltaka gjennom Innovasjon. Innovasjon Norge har fagkunnskapen om bedriftsretta satsing, og oppdragsbrevet er difor ikkje altfor detaljert. Gråsonesaker skal drøftast i løpande dialog eller i styringsdialogmøte. Det er utarbeidd eit notat med klargjering av rolledelinga mellom Innovasjon Norge, kommunane og fylkeskommunen. Notatet omhandlar prinsipp for arbeidsdeling og rolledeling i finansieringssaker mellom Innovasjon Norge, kommunane og fylkeskommunen. Notatet ligg ved.

### **Den regionale dialogen**

For å ivareta den regionale dialogen er det ønskjeleg med politisk involvering gjennom hovudutval for kultur og næring. Dette let seg beste løyse ved at IN og verkemiddelpolitikken vert tema på eit hovudutvalsmøte ein gong for året.

### **Eigarrolla**

Eigarrolla som fylkeskommunen har andsynes Innovasjon Noreg vert ikkje omtala her.

## **3. Tilråding**

1. Hovudutval for næring og kultur godkjenner oppdragsbrev til Innovasjon Norge Vestland for 2019 slik det ligg føre i vedlegg 1.
2. Hovudutval for næring og kultur godkjenner retningsliner for arbeidsdeling i finansieringssaker for 2019 slik dei går fram av vedlegg 2.